

BERITA HARIAN; JUMM'AT, 25 APRIL, 1980

Mahathir akan rasmi Seminar Peniaga2 Getah Bumiputera

KUALA LUMPUR, Khamis — Timbalan Perdana Menteri, Datuk Seri Dr. Mahathir Mohamad, dijangka akan merasmikan Seminar Peniaga-peniaga Getah Bumiputera anjuran Lembaga Pasaran dan Pelesenan Getah Malaysia (MRELB), pada 19 Mei depan.

Seminar tiga hari itu akan membincangkan strategi dan peranan peniaga Bumiputera dalam perindustrian getah negara.

Beberapa orang pakar dari sektor awam dan swasta akan bersyarah di seminar tersebut. Bengkel-bengkel juga akan diadakan.

"Sehingga ini, kami telah menerima kira-kira 400 borang permohonan dan dijangka keperluan sebanyak 500 peserta akan dapat diisikan beberapa hari lagi," kata jurucakap MRELB di sini hari ini.

Katanya, melalui seminar tersebut peserta-peserta akan dapat pendedahan peluang-peluang perniagaan di peringkat antarabangsa.

Jurucakap itu menambah, diharap seminar ini juga akan menggalakkan lebih banyak penyertaan Bumiputera di bidang perjualan, pembelian dan pemutuan getah.